

皇元風雅

五



三元風雅卷之十四 翰林學士汶上曹元用

上京次王繼學韻

灑光千里外載華五雲邊計拙如工部文雄愧
謫仙枕流思洗耳懷祿敢垂涎疾目昏如霧
羸驂白勝綿當辭天祿閣歸種汶陽田曉日登山
履秋風下瀨舡芝香雲滿地電鶴不知年

附王繼學省中書事詩

玉京長夏裏畫省五雲邊終日身無事清時
職是仙縹篋分馬乳銀葉薦龍涎細草烟籠
剝垂楊雪如綿客懷天外鶴農事雨餘田染

翰逢歌扇揮金向酒舡鰲峰孤絕處閑坐似

當年

次馬伯庸韻二首

灤水橋邊滌道西酒旗闌桂暮簷低春從綠樹
陰中老雲補青山關外齊畫戟遙臨青瑣闥紫
駟解惜錦障泥鸞鳳自為明時出宜傍上林高
處栖

柳簇金溝蘸碧波雲深玉關嫩重坡鳳凰曲奏
鈞天樂烏鵲橋通織女河万井閭閻春浩蕩六
街車馬晚坡陀山人素有林泉興奈此承明處



直何

附馬伯庸詩二首

萬里雲沙竭石西
高樓一望夕陽低
谷量牛馬烟霞錯
天險山河海岱齊
貢篚銀貂金作籍
官窰磁盞玉為泥
未央殿下長生樹
應許朝陽綵鳳栖

門外春橋漾碧波
因尋紅藥上南坡
已知積水皆為海
未信疎星又隔河
酒市杯陳金錯落
人家冠篸翠盤陀
薰風到面無蒸暑
去鳥長雲奈若何

附王繼學次韻一首

侍臣催講玉階西
雲靜觚稜曉色低
天關神州卑兩漢
地連碣石轉三齊
含香畫永閑青鎖
視草堂幽濕紫泥
家憶東山老松樹
秋風應有鶴來栖

丁卯校藝貢院作

席廬清晝列千袍
射策詞場百戰勞
明日京華春榜揭
蓬萊天近五雲高

王仁父

中書左丞高唐王懋德

寄戶部楊友直

柳繞柴扉水繞村黃鸝初轉已春分東風吹散
梨花雨醉臥青山看白雲

直沽海口

極目滄溟浸碧天蓬萊樓閣遠相連東吳轉海
輸杭稻一夕潮來集萬舡

過河西務

霜滿平堤柳漸凋月移帆影過東橋臥聽柔櫓
鳴秋水絕勝鷗鷺報早朝

重陽

拂却京塵理去舟閑雲千里水悠悠醉來欲落
龍山帽猶恐黃花笑白頭

上都寄許參政

野草侵階水遶門西風颯雨紛小軒坐對
爐熏冷却憶溪南一片雲

長蘆遇順風

水聲怒激春雷響帆影輕隨遠鴈飛東望水雲
三百里沙鷗待我釣魚磯

西郊晚眺

遠寺僧歸日欲沉
无邊桑柘起層陰
牧童牛背
閑橫笛却笑詩人馬上吟

通州東菴

借榻禪房秋已深
碧雲窗外弄清音
空塔落盡
胡桺葉霜滿東籬
菊有金

其二

衆鳥高栖萬籟沉
老禪携月過東林
秋霜不染
青蓮色想見乾坤太古心

元宵

春入東郊雪漸融
熙二天氣報年豐
萬家燈火

八十四卷

八四

分明月幾處笙歌雜
暖風短髮已無丹
可黑衰
顏猶有酒能紅
溪山容我閑來往
先具扁舟訪
釣翁

舟次陵州

獨坐渾如面壁禪
更無餘事惱心天
舟中唯載
烹茶具囊內猶存
買酒錢秋水經霜
魚自樂
曉林留月鵲堪憐
人生何必東山臥
老我烟霞屋
數椽

白筭詞

天風吹雲雲亂飛海波漾日揚晴輝雲飛度嶺
日當戶知是人間春早歸青樓朱箔深幾許樓
中美人愁不語情懷易感時易遷羞見溪頭柳
如縷金刀剪就白筭衣錦書裁成白筭詞碧天
無際鴈聲遠此恨綿綿春得知

題赤壁圍

我昔南遊過赤壁曾上磯頭訪遺跡吳魏勝負
了無聞一曲漁歌楚天碧黃岡遷客峨眉翁道

八十四卷

八五

同北海人中龍霸懷得酒逸興發扁舟夜汎空
明中江山如許誰賓主醉披飛仙夢中語直將
天地等浮漚三國周郎曾叱數神遊八極空畫
番開卷彷彿瞻眉須清風千古凜如在悠二目
斷江雲孤

送聶梅軒赴潮州錄事

嘗以談命遇
於時為太初

蓬豆司存舊政嘉一官三載客京華無人再問
支機石有客先乘泛海槎照水山雞晴吐綬潛
江天越夜含沙政成何處傾椰酒吟對東風木
花

王止善

江浙省檢校會稽王良

過范村將臺懷咎刺罕丞相

檻外長江切岸來曾陪丞相駐崇臺旋頭不動
軍容肅鵠首齊飛將令催虎兇蕭條菜壘在魚
龍寂寞暮潮回美人不見空搔首更聽雲間白
鷺哀

次韻風月亭留題

重來揚子故人遠滿目風烟如隔生天遊無往
不適意世故何者能閑情清宵宴坐山月上白
日緩步江風輕扁舟欲發更留滯隔岸香二未

八十四卷

八六

鍾聲

簡王君實僉事

碩瞻幽薊三千里扁舟航十二時篙柱岸沙
移寸二霧迷朝雨下絲二白頭應笑馮唐老青
眼幾成阮籍悲賦向江邊迂憲節持杯來赴野
人期

黃河道中

荒二大野兼天遠渾二長河與海通雲暗春城
榆莢兩浪翻沙岸鯉魚風簡書上計千艘集玉
帛夾朝九域同獻納願陪青鎖議衰遲已是白

頭翁

黃樓

山河壯麗雄三楚人物風流憶二蘇自古必爭
形勝地當年曾屈霸王番呂梁東下波濤險坐
碣西來島嶼孤試上黃樓醉明月百金取酒未
為迂

歌風臺

淮南不軌天威及清蹕西還過沛中樂作酒酣
鄉思激雲飛風起霸心雄龍光已逐寒烟散鳥
篆空餘碧藓蒙極目荒臺增感慨冥鴻矯二入

秋空

菽瓜洲

一別蕪城逾十載重來魚鳥亦相親童二碧樹
添新家段二青山似故人把鏡未須驚白髮持
杯猶得及芳春却將此日思前日只覺今身是
後身

錢唐雨中招申屠彥德

春雲拂地雨浙二戶外屨空生綠苔朝天門外
接依水好棹小舟乘興來

皇元風雅卷之十終

雜詩

東風吹百草沿路一時生
鰓桃與艷杏遍野復
盈城東隣宰肥牛西里按新聲
孰不乘時節為樂快心情
平明出南郭登高望帝京
大哉山河固喟然獨撫膺

其二

社日玄鳥至入我高堂飛
舊巢幸未圻新泥復相依
豈待安爾躬復欲養其見
對語嬌且閉上下迺差池
勿因秋風起相逐忽還歸

其三

青_二孤生松高山浮雲中
下無嘉樹林上有萬里風
俯視原上草秀色何丰茸
自顧豈不高獨立難為容
常恐本根蠹委此蒿與蓬

過江州

遙瞻九江樹已踏西江土
落日照庾樓驚風滿溢浦
寒鷗迎棹起遠岫依城吐
悵然感羈遊落爾成賓主
白頭釣魚叟赤足浣紗女
未識居者安知行者苦

贈淳真子

湯二白玉京超二淳真子十二求神仙服事丘
與李嵩洛二十載結茅白雲裏食是暘谷霞飲
是玉池水鬼神真能識百念吹不起一朝忽勝
化逕去不可遮飛駟服五龍角巾搖三花朝發
扶桑國暮宿河漢榼朝食千歲枕暮食五色瓜
長揖青牛君高歌度流沙還憩金張邨調笑許
史家日食五侯鯖安能馱胡麻春風長安陌曉
日邯鄲道迎人上青天送人入秋草竦身入八
極天地忽亦老寄謝區中人全身以為瑤

送虞德脩

管仲相齊國九合開基圖拔才筦庫中乃至七
十餘虞君丞相後況復

聖明朝青年賢才譖白疑沉下僚下僚不敢辭
王事不敢遲五月日如火獻賦來

京師有弟若班馬出入承明下

天子親重之今无古猶窅乾坤再開闢乃得會
音形夜語恆達旦歡意既平生翔風塞上來長
橋綠如洗浮雲盡南征吾行何由止弟當奉
明主一心致貢禹相送東郭門翩然隔燕楚

尋靈學士舡至漢口留詩為別

曉澹微瀾曳雲在層巘參差連舫出散湯
陽遠始知遵漢廣遙睇高旆卷懷賢每忘賤
沫亦忘蹇蒼茫景將入窈眇春猶淺新知遽相
違餘悰何由展

寄彭通復

區二九州內橫縱四千里誰設山與河愚者分
表裏京師天下本萬國赴如水珠犀從南來狗
馬由西止浩二荆吳舡日夜行已至生材無它
所一物孰非已皇天仁且廣君道亦如此我思
古成康當日誰共理

巢由伏箕穎園綺居商顏洗耳甘自潔茹芝竟
不還三傑足為理五臣安可攀高尚誠所貴孔
轍奚獨還吾聞有隱淪多在衡霍間飯牛腹長
飢百結淒以寒懷寶羞自獻邈然老空山

居庸行

昔我望居庸南今日出居庸北巖壑爭吞吐風
水清且激逶迤數十里曲折殊未息閉門兩向
當天開馬如沫水車如雷荒雞一鳴關吏起列
宿慘澹雲徘徊山盤二石圍三山如龍石如席
龍怒欲騰席欲舞太行餘勢猶如許昔不察

李馬列什伍

聖人有道關門開關門開千萬古

高郵城

高郵城二何長城上種麥城下桑昔日鉄不如
今為耕稼場桑陰二麥茫二但願千萬年盡四
海外為封疆終古不用城與隍

登祝融峯贈星上人

洞庭南桂嶺北衡山連延瀟岸黑中有祝融如
結鬟嵯峨七十二峯間祝融不自知千山萬山
自迴環迴環面二芙蓉起祝融正在芙蓉裏儼

八十五

八四

如天仙朝紫皇千官百辟遙相望半夜每瞻東
海日六月常飛滿樹霜龍拏鳳攫熊席躑雲山
霧滅何時極我來正值太平時況有山僧似疇
昔憑高一覽四海空草間培塿安足雄盤二羅
漢臺翕二炎帝宮復恐九天上眎我猶井中翔
風日夜相騰蹙谷老厓堅松栢禿古來鉄尾盡
飄揚山上至今唯版屋山僧勸我歌我歌徒自
傷天下五岳嵩中央此山與我俱南疆我今三
十始一見北望中原天更長

長風沙夜泊

長風沙風沙不斷行人嗟行人嗟奈君何南風
正高北風起大舡初灣小舡喜移舡更近大舡
頭不厭風沙夜可憂但祝行人好心事長江何
處是安流茅屋參差數株柳平時尚置官軍守
青裙老姬詫鮮魚白髮殘兵賣私酒魚賤可買
酒可沽他人心事知何如

送趙履道虞姁常還江右

趙子我同里虞郎我同年手折武昌柳送上西
江舡買魚沽酒燒荻鞭夜下西塞寒山前西塞
山碧如苔君今去幾時來東風花開春水漲待
君黃鶴磯頭送君庾公樓上

送黃五舅得武陵校官還辰陽寓居

寧上山頭種禾黍莫向他鄉作羈旅山田得雨
尚有年他鄉憔悴何人憐一身千里家何在全
家更在沅湘外獨樹雞鳴楓葉飛荒村鷹沒芦
花碎親在窮途子未還子在長途衣沒單居無
寸田出無僕明年作官當食祿

武昌舟中

兩驕背立鳴雙櫓短簑開合蒼江兩青山如龍
入雲去白髮何人傷沙語舡頭放歌舡尾和蓬

上雨鳴蓬下坐推蓬不省是何鄉但見雙飛白鷗過

題明皇出遊番應制

明皇八駿爭馳道還是開元是天寶長安花發萬年枝不識韶華醉之老奎章閣下文書靜衣高拱唐虞聖莫言此畫徒爾為千載君王作金鏡

題饒家橋

饒家橋下秋水深饒家橋頭黃竹林誰其濟之饒氏媪績麻作橋二成尋青山蔽二似吾鬚白

八十五

八六

石鑿二如吾心歸去秋衾續殘夢風雨滿橋龍夜吟

入秦淮和曾編脩

秦淮河上送飛鴻秦淮水流西復東六朝人物已寂寞萬古雲山空疊重明日還沽采石酒昨朝猶憶廣陵鍾人生不似寒潮水去二來二有定蹤

送何太虛南歸

窮秋乍到深冬別來已俄然去忽然學士已分脩史祿道人特送賣丹錢單車欲發無三日

東同行可百年積雪堅水愁客路徐州城下便
通舟

宿梁安峽夢故妻

梁安峽裏杜鵑啼絕壁蒼二北斗低雲氣倒連
山影合石稜斜聞浪聲齊南風盡日迎歸客落
月空江夢故妻一室十人分數郡百年幾處候
晨雞

送薛玄卿歸江東

知君此去漸難招只在人間已廓寨市上有時
逢賣藥山頭何處覓吹簫仙厓花落春流滿鬼

六十五

八七

谷雲深樹色遙若見漁人應問我玉京涼月夜
蕭二

送李秘書赴峽州幕

蓬萊道山芸閣裏赤甲白鹽蓮幙中十載同
朝君獨去三年佐政我難同大河水滿中宵雨
鉅野樹涼清曉風夷陵江頭幾日到迎親應羨
南飛鴻

送唐尊師歸廬山

香爐峰色生紫烟一入京華路杳然雲碓秋閑
春藥水雨犁春臥種芝田書憑海鶴來時寄劍

自淋蛟去後懸忽報歸期驚倦客獨淹微祿負
中年

題張先生鵠山隱居

當日自期顏杲卿莫年羞見曾諸生膝兼多病
終難屈身為長愁眎轉輕日晏典衣畱客醉雨
餘開戶看兒耕淮雲楚樹情如此臥看年々江
水生

憶昨四首

天曆年中秘閣開接經新拜青群材宮門待漏
常先到講席收書每後回名試時蒙天語勞分

題不待侍臣催滿頭白雪丹心在太掖池邊只
獨來

宮草葱茸禁樹齊日趨廷顯對疑暉朝迎步輦
花間立暮送回鑿柳下歸碧殿東浮蒼巖合金
河北引玉泉肥幾回弘慶門前路春氣濛二欲
濕衣

己巳群儒映壁奎端陽侍燕寶慈西線分學士
親臣送詩賜皇姑沸手題注酒含春瑤露壘承
塵轉午錦雲低日斜共出西門道既醉猶能散
馬蹄

奎章分署隔函紗不斷
香風別殿花畱守日頒
中賜果宜微月送上
供茶諸生誦罷仍畚直學
士吟成每自誇五載
光陰如過客九疑無
處望
重華

自盱之臨川晚發

扁舟催早發隔浦遙
相語兩色暗連山江
波亂如霧初辟梁安
峽稍見石門樹杳一
一聲鍾如朝復如暮

送袁先輩之盱江

賤貧戀知己親愛畏
離別兩巖江色黃扁
舟此時發烟綿綠蕪
遠杳眇孤禽沒行雲
滿西原麻姑在天末

送人歸豫章

積雨霽徂夏故人今日
歸手持毛生檄身暑
葉公衣玉樹挂秋月
丹蕪揚曉輝東湖徐
孺子應恠久相違

秋夜作

露下氣逾肅月高寒
欲流落葉階前樹疎
鍾城北樓衰年對急
景歸心臨暮秋當世
非無意才薄徒淹畱

歸舟

汀洲春草徧風雨獨歸時
大舸中流下青山兩
岸移鴉啼木郎廟人祭水神祠
波浪爭掀舞艤
難久自知

石鼓

孔廟頽垣下周宣石鼓眠
苔分敲火跡雨洗篆
蝸涎野老偷為曰居人打
賣錢有形終一盡流
落漫堪憐

和族子京城客思

歲月日夜去為誰催
鬢華閑愁一萬緒
強半是

思家翠栢總無態
寒梅空自花京城豈不戀
其奈故園賒

如武昌發臨川作

江轉欲無路山回忽似圍
客程秋共遠物色晚
多疑稍二沙鷗集三野樹稀
武昌今夜夢定
有故人知

尋舍弟將至東牟宿野店

歲暮尋吾弟山行兩舍餘
入雲攀磴道落日及
村墟茅店溪邊冷松林石上踈
如逢武陵客風景未應殊

飲張氏別墅

楚園多才俊張家好弟兄出門湖水碧留客野
棠清微雨鳴疎竹寒烟覆古城園人隔畦語歲
暮此中行

不寐呈何太虛

隙月斜依壁凶風細著人飄零知命晚牢落夢
家頻斷鴈何曾定鳴雞不肯晨何郎詩句好萬
里獨相親

山莊晚立有懷舍姪曾獲臨川

蕪二黃桑葉蒼二白竹峯居人爭野碓歸客背

村鍾路暗緣溪濕山寒著霧濃阿咸收稻未辛
苦缺相從

題先天觀音

聞說先天觀重二絕壁環鳥啼青嶂裏花落白
雲間樵子能長嘯居人識大還洞門無處認唯
有水潺湲

登前丘作

闌登前丘望西北削諸峯轉覺天地肅因悲霜
露濃雲閑何處笛日落滿城鍾自笑栖遲者唯
堪學老農

送人之淮東

扁舟何處客此去能經過彭蠡江聲合揚州月
色多天低知近海地濶欲橫河自是吾生拙如
君定若何

泉子嶺

已過泉子峰頭路荒甸茫茫碧草乾日暮不收
牛馬亂青烟起處是營盤
金衣翠帽路傍女躡足連聲駕犢車二下書紙
車上宿每逢水草便為家

女兒浦歌

女兒浦前湖水涼女兒浦口過湖州湖中日二
多風浪湖邊人二還白頭

大孤山前女兒灣大孤山下浪如山二前日二
風和雨山下舟舡自往還

雙陸

三五對參差高呼得采時猶疑雙出早每恨獨
歸遲散地偏難入成功或誤奇極知妨日力聊
欲審安危

曉出順承門有懷太虛

曉出城南門悵望江南路前日風雪中故人從此去

遺山

河東元好問谿之

耕讀軒

東帶見智郵甘以辭華軒肅傲南函下且樂我
所然斜川今在亡問津有遺編行尋柴桑里遂
得桃花源桃源無漢魏況復羲熙前讀書與躬
畊不一述殘年淵明不可作尚友乃為賢田家
豈不苦歲功聊可觀讀書有何味有味不得言
遙知一尊酒琴在已無弦

飲酒

西郊一畝宅閉門秋草深床頭有新釀意慙成

八十五卷

八十三

孤斟舉杯謝明月蓬篚肯相臨願將千古色照
我萬古心

其二

去古日已遠百偽無一真獨餘醉鄉地中有義
皇淳聖教難為功乃見酒力神誰能釀滄海盡
醉區中民

其三

「端始萌芽忽復成禍根名虛買實禍將相安
足論驅驢上邙邨逐兔出東門離官寸亦樂里
社有拙言

後飲酒

少日不能觴少許便有餘比得酒中趣日與杯
杓俱一日不自澆肝肺如欲枯當其得意時
物寄一壺作病知奈何妾婦良區二但愧生理
磨飢寒到妻孥吾貧盖有命此酒不可無

其二

客從崧少來貽我招隱詩為言學仙好人間
意何為一笑顧客言神仙非所期山中如有酒
吾與爾同歸

任運堂詩

官職有何好凜二蹈危機車塵及馬足捧手似
低眉棄去何足道無從脫繫維不如聽其然歲
晚倘可期上堂壽慈親兄弟如墳麓菽水足為
樂況有甘與肥人生天地間長路有險夷遇險
即欲避焉得皆通達君家北山翁百世留清規
樂天而知命行矣君何疑

鄧州城樓

鄧州城下湍水流鄧州城隅多古丘隆中布衣
不復見浮雲西北空悠悠二長鯨駕空海波立老
鶴叫月蒼烟愁自古江山感遊子今人誰解賦

登樓

關商卿還山中

何卿去月從我來今日西山成獨往野人不是
城中物澗飲岩栖夢餘想翰林濕薪爆竹聲待
詔履穿沾雪行蘭臺從事更閑冷文書如山白
疑生孤燈靜照寒窗宿北風夜半歌黃鵠田家
閉門風雪深梅花開時酒應熟半世虛名不療
貧栖遲零落百酸辛憑君冀向山中說白石清
泉笑殺人

虞坂行

八十五卷

八十五

虞坂盤二上青石二上車蹊深一尺當時騏驥
知奈何千古英雄淚橫臆龍蟠於泥易所嘆麟
非其時聖為泣玄龜竟墮余且網老鳳常飢竹
花實天生神物似有意驗以乖逢知未必若論
美好是不祥正使不逢何足惜孫陽騏驥不並
世百万億中時有一乃知此物非不逢轅下
鳴人已識我行坂路多閱馬敢謂群空如冀址
孫陽已矣誰汝知努力鹽車莫稱屈

送李叅軍北上

五日過居庸十日渡桑乾受降城址幾千黑出

塞入寒沙湧二古來丈夫淚不洒離別間今朝
送君行清涕留餘潛生女莫作王明君一去紫
臺空佩環生男莫作班定遠万里馳書望玉關
我知驥子墮地無齊燕我知鴻鵠意氣青雲端
草間尺鷃亦自樂扶搖直上何勞搏一衣敝緼
袍一飯首霜盤歲時壽翁媪團圓有餘歡就令
一朝便得八州督爭似綵衣起舞春爛斑去年
洛陽人今年指天山地遠馬羈破霜重貂裘寒
朔風浩二來客子慘在顏扼胡領上一回首未
必君心如石頑君不見桓山鳥乳哺不得須臾

八十五

八十六

閑衆雛一朝散孤雌四顧聲悲酸寒雁來時八
九月白頭阿母望君還

天門引

秦王深居不得近從破衛成欲誰信白頭游客
困咸陽憔悴黃金百斤盡海中仙人黃鵠舉大
笑人間爭腐鼠丈夫何意作蘇秦六印才堪繫
兒女古來多為虛名老不見阿房盡如掃千年
帝豹守天門一日牛羊臥秋草

題堯民野醉圖

蒼苔濁酒同歌呼白須紅顏醉相扶堯時皇

先秦迂儒強解事極口譽堯初未識堯民與禹
同一天此外更誰知帝力仙老曾經甲子年戲
將陳跡畫中傳不見只今汾水上田翁鞭背出
租錢

送文生

今夜東山月隨人知幾程從軍少年事分手故
鄉情渭水風露早秦川烟樹平相招有仙掌如
計與君行

倪莊中秋

強飯日逾瘦袂衣秋已寒兒童漫相憶行路豈
知難露氣入茆屋溪聲喧石灘山中夜來月到
曉不曾看

少室南原

地僻人烟斷山深鳥語譁清溪鳴石齒暖日長
藤芽綠映高低樹紅迷遠近花林間見雞犬豈
擬是仙家

洛陽古城曦陽門早出

乘月出曦陽黎明轉北岡荒村自雞犬長路黑
林浪天地憐飄泊風霜憶閉藏微吟訴行役

斷不成意

送母受益

薄俗科名賤孤生志願違正須謀獨往何暇計
群飛泌水真堪樂荆州尚可依青山吾攜隱此
日羨君歸

寄程孫鐵安

御史陰功在兕孫玉不如已能騎竹馬想亦愛
銀魚異縣關山濶衡門骨肉踈幾時從老舅
讀外家書

十月四日往關南

行路見新月獨行還獨謠勞生塵袞二晚色歸
蕭二野曠无遺穗林疎有墮樵回頭麥山嶺更
覺馬蹄遙

三鄉作

勝槩烟塵外新詩杖屨間偶隨流水去澹與暮
雲還吾道三椽口時情一斛顏從今便高臥已
負半生閑

會善寺

白塔沉二插翠微魏家宮闕此餘基人生富貴
有遺恨世事廢興无了期勝槩只今歸鷺鷥

一竹統龍蟠長松想是前朝物及見詩
恭維

春日半山亭游眺

日照春山花滿烟獨携尊酒此畱連江流袞二
望不極世事悠二私自憐小草猶能懷遠志芳
蘭誰為發幽妍他時石壁題詩在會有騷人一
然

鎮平縣齋感懷

四十頭顱半白生靜中身世未忘情書空咄二
知誰解擊缶鳴二却自驚老計漸思乘款段壯

八十五卷

八十九

懷空惜漫嗚西窗一夕無人語桃盡寒燈坐
不明

浩然師出圍城賦鶴詩為送

寐西山飲鶴泉羨君歸興渺翩二昂藏自有
林壑慙飲啄暫隨塵土綠遼海故家人幾在
亭清淡世空憐明年也作江鷗去水宿雲飛
一天

送輔之仲庸還大梁

驢爭道渺翩二誰遣風塵失壯年四壁蕭
蕭一爨今有賣書錢淋漓別酒青燈

孤帆落照邊想得還家過春半故都喬木
蒼烟

十月

小月常年見早梅今年十月未全開春寒春
花如故年去年來老漸催大藥誰傳軒后鼎
仙處築漢宮臺憑君撒置人間事不負浮生
此杯

惠崇畫雁

寒沙新葦鶻相依故國春風早晚歸意分
誰畫得羽毛單薄能與傲

六十五卷

八十三

江湖半落太愁人同是天涯方里身不似
金孔雀離二花影淡生春

聞歌懷舊遊

樓前誰唱六么催千里果園首重回記得杜
亭子上信之飲用共聽來

許由擲瓢事

不知黃屋不知堯喧寂何心計一瓢我是許由
初不尔只將盛酒杖頭拖

皇元風雅卷之十五

皇元風雅卷之十六

太常博士東陽柳賢

上京紀行詩 井序

延祐七年貫以國子助教分教北都生始出居庸踰長城臨灤水之陽而次止焉自夏涉秋更三時乃復計其關途覽歷之雄宮籥物儀之盛凡接之於前者皆足以使人心動神悚而吾情之所觸或亦肆口成諫第而錄之摠三十二首噫置窶家之子於通都萬貨之區珍玩溢目攬一二而遺其千百雖欲多取悉致力何可得哉貫越西之鄙人少長累遭家難學殖荒落志

念迂踈顧父師之箴言在耳常愿焉弗勝乃茲幸以章句訓故間廁西雍之武以竊陪從臣之末龍光炳煥照耀後先山川閎奇振發左右則夫紀載而鋪張之有不得以其言語之蕪拙而并廢也今朝夕俛汰庶幾退藏田里以安遲莫而諸詩在藁懼久亡去吾友薛君宗海雅善正書探囊中得舊紙數枚因請宗海為作小楷照為卷豈直歸誇田夫野老以侈幸遇之萬一何願瞻鼎湖薄天万里遺弓之痛有繫於心尚何時而可已耶後三年至治三年十一月五日序

度居庸關

度居庸關方塞始入兩崖張行二轉石角細路
瀾岡層壑倒天影半林漏晨光崎嶇里四十所
歷萬羊腸千輳絡前後兩軌通中央谷開稍夷
曠在險獲康莊豈惟遂生聚列厓參鷹行激流
或機磴架广亦僧坊我生山水窟愛此不能忘
是日新雨已浮嵐亂沾裳水聲與石闔風飄飄
清商踴鬢不知高游雲翼超躐考牒曩有聞經
途今始詳細惟古塞北八州猶漢強控扼識形
勢會同知樂康屬茲景運開六服聯綏荒

八十六卷

八

兩京備巡幸離宮岌相望守岳將考制如祠匪
求祥式瞻 龍德中足徵

皇業昌請繼王會篇勿廢祈招章

李老谷聞子規

杜老聞子規近在東西川猶云感時物投淚寫
幽情今我行塞徼子規相後先時夏雲景晦鳥
呼搖空烟響入樹宵 啼乘血濺 想知岐路
難不恤軀命全千聲復萬聲喚我歸言過苟非
木石心豈免腸內煎江南叢薄間有花鳴杜鵑
時是鳥至相戒治春田不歸如江水負此今

五年風土孰云異物情要有遷寄莫勿浪出糶
尔速自憐嚴程趣行邁且復揮吾鞭

龍門

一溪瓜蔓汭渡者云可亂屢涉途已窮前臨波
始漫岩二龍門峽石破兩崖半沙浪深尺餘灣
洄觸垠岸它山或澍雨湍漲輒廉悍頃刻漂車
輪羈絡不能絆其源想非遠衆水自茲濫濟淺
抑何艱慮盈疑及患峯陰轉亭午出險馬蹄散
草路且勿駟烟開望前館

午日雪後行失八兜禿道中有懷同館

八二六卷

八三

尖峯猶是漢南山駝褐蕭二午日寒艾葉謬將
頭上挿榴花應許夢中看馬前沙雪行初隱鵬
背荒雲落更盤王事獨賢吾敢憚重煩同館勸
加餐

望李陵臺

平沙北流水青山在其上李陵思鄉臺駐馬一
西向草根含餘淒峯尖入寒望俚言雖莫稽隱
跡尚可訪想其深入初步卒亦材壯手張天了
威氣奪名王帳覆軍陷囚虜此志乃大妄一為
情愛牽皇恤身名喪縷二中郎書勉使同

知臣節恭之死不易諒河梁執別處出語
憫悵家聲故輝赫三世漢飛將兵法有死生人
運迭休旺忠回在信史豈沒功罪狀馬遷當腐
刑強欲雪其謗土思豈能無層雲塞亭障千年
麒麟圖吾將執玄鬯

至上都國子監作

今晨得佳馬驛行趨上京却顧沙幕卷前瞻
車載旌翠華戒鳴蹕肅二遠有聲馳道無十里
雲開雙闕明跡既阻奉引班非陪列卿言尋圖
驛宮紆徐臨雉城葬地三數畝虛堂十餘楹稍

加漑埽勤得遂憩息清韓公博士年實教東都
生今我家冗官懷鈇徙北征古來玄朔地雅頌
亦鏗旬豐芑德甚廣葉編義猶精前脩有軌轍
後生多俊英抑將授何業可使器早成寧無子
衿刺僅免吏牘嬰高居謝暑濁曠矣善黃情

觀失刺斡耳朶御宴回

毳幕承空柱繡楣絲繩巨地掣文霓辰旂忽動
祠光下甲帳徐開殿影齊芍藥名花圍簇坐蒲
萄法酒坻封泥

卿前賜醕千官醉恩覺中天雨露低

題齋壁

牧馬新來秣地椒街頭
相酒玉傾瓢羲和白日
經天近敕勒陰山度
幕遙雨過忽然思御
袪風清聊復快凌歊
他年續作灤陽夢
万里排雲翅
沈寒

六月十五日大雨雹行

是日月食

日月相闔鶉火中
晡時欲息雲埋空
雨脚初來雜鳴雹
雷駟電挾聲風
排簷倒檻揮霍入
犀兵快馬難為雄
中休頗意絕崩迸
轉橫更覺加銛鋒
亂拋荆玉抵飛鵲
恣擲桃核隨飄風
坐移向壁防碎首
急捲巾席何忽
上天踟今豈輕
出摧殘長養皆元
功陰凝陽燦鬼神
著氣有至反誠則
同想茲試手鼓萬
物特欲振福照群
蒙齋心變兒謹天
戒烏乎生意無終
窮

和袁集賢上都雜詩十首

出塞行瞻日趨朝
喜近天離官開苑
園馳道絕風烟瑤
水巡非遠峒山歷
更綿甘泉多法從
獻賦憶當年

雨水漸衣黑雲砂
際目黃烟開總黯
慘日出已蒼涼徇
俗高簷帽清心小
篆香端居萬里念
慕

蘇情微芳

昔建窠中業初開微外山雉城平兀二沙水淨

灣二朱夏宸遊正清秋武衛閑叨陪文學乘空

愧騁毛斑

雜俗隨方異溝途隔舍迷醺人惟馬漣勸客有

蹄蹄殿角孤花靚城隅雜樹低天涯中夜舞如

意昔曾携

天潢猶白二雲幕故青積潦摧車軸高風墮

箭翎官塗丹赭聖殿戶紫金釘女樂蓬萊秘哀

簫動杳冥

八十六

惺殿層雲障棘門積雪峰奇鷹背戴角

御馬盡飛龍瀚海將臨幸云亭望陟封青丘大

羽獵有事待玄冬

曹務唯章句官規自法程齋扉侵雨潤宴几得

風清歷二三刀夢行萬里城明年遂畊隱深

仗酒為名

經遊還絕塞際遇復清朝大暑無蒙綵輕寒已

知韶槃空齋屢薦觴至酒頻澆貧病諳為客何

斷帶減腰

公子青絲鑿王孫綠幘車宴酣風小定舞歌日

西斜手擲宮中果神行海上查築郡無自厚倫
德不期奢

水草方二善弓孤戶二便合圍連婦女從成到
曾玄雪毳千家帳冰瓢百眼泉浚稽山更北長
望斗光懸

贈大華嚴寺長老壽公司徒

綫蹊箴孔界三千磨納披來對脚筵台嶺金篋
誰刮膜洞山寶鏡獨當銓一杯薑杏何多味四
壁松篁不礙禪今日丹霞同會客淵明元有酒
中緣

灤水秋風辭 四首

西麻林鞍如割鉄東涼亭酒似流酥福威玉食
有操柄

世祖建邦天造局

朔方寶憲留屯處上郡蒙恬統治年今日隨
龍看雲氣八菜同宇正熙然

朶樓清曉常祠罷吾殿新秋曲宴回
御帛功由寒女出分頒恩自九天來

西風初吹白滄水落日正見黑山雲旃廬小泊
戎部署沙馬野馳連數群

八月二日

大駕北巡將校獵于散不剌

詔免漢官扈從南旋有期喜而成詠

天子龍飛啓聖時乾坤闔闢載清夷幸從在籍

永周宴重喜臨邊舉漢儀

柳宿常時嚴扈衛吉行唯日望鸞旗

詔恩許免陪參乘却愧長楊賦未奇

還次桓州

塞雨初乾草未霜宮廡秋色滿沙場割鮮俎上

薦黃鼠獻獲腰間懸白狼別部烏桓知樂族他

山稽落是何方長雲西北天如水想見旌旗瀚

海光

過長城

道德藩墉億萬年長城謗與翔雲連秦人骨肉

皆為土漢地封疆已歷邊飲馬窟深泉脉動牧

羝沙晚草生烟

神京近在玄冥北九域開紫際幅員

浚灤水秋風詞 四首

磧中十里号五里道上千車連萬車東賚西賑

通朔漠九州四海會同初

東牆窪尾沙如雪灤河背頭風捲空丈夫未
全盛日幾驛營州避暑宮

旋捲木皮斟醴酪半籠羔帽敵風沙丈夫射獵
婦當御水草肥甘行處家

山郵納客供次舍土屋迎寒催堦蔽沙頭摩娑
一寸厚雨過牛童提滿筐

晨度居庸至南關門

雲梯忽斷山巖平霽霧初舉林嶺明兩都扼哢
南北鎮九州通道東西行巖崖巨石擎佛屋
門遺築開軍城當時苦詫天下險一卒前臨強

萬兵

鍾山

平陸漫千里茲山乃穹然猶憐布金地未即辟
 喧闐岩液散珠琲春罔走蜿蜒稍欣陟幽遂登
 頓衣屢褰路細石崑二崖深竹娟二洞扉剝開
 敞峻峰指中天冥探歷嵌崿垂蘿弱容牽碧潭
 隱光恠華雨漂崇筵下睨飛鳥背茫二但蒼烟
 杳默玄圃期淒涼雲嶠篇休駕將未能惆悵春
 風前

釣臺晚泊

四山環一水遺臺故嶺屹那無漁樵居政復不
 敢安舍舟衝微雨凭軒俯清灣恨昔乘興舟無
 從寄遊觀今我有行役乃尔容躋攀英靈豈愛
 我為解塵土顏落日奠蘋藻清風聞佩環南尋
 謝朝墓林暝吾當還却去望層巒孤舟生晚寒

敬亭山

昔窺敬亭作今陟裴公寺微素非始遊賞勝資
 深詣脩二緣水木苑二交蹊術綠縹澗草豐幽
 鷗松颺駛微鍾響空嶂高閣浮花氣聿薰旃
 妙豈愛岑髻媚憑生實內湯即事多冥契息陰

小園寒芳懷芝桂海岳期屢遷石林路深幽
經營乖道要迫窄餘物累猶首調沛尊尚飲無
生惠

贈別葉審言

昔人稱好士乃有黃金臺黃金亦何物願用驕
賢材葉君被短褐志力何雄哉北走叫閭闔紅
雲指崔嵬終焉無苟售自保同嬰孩車服非吾
榮黃金直浮埃十年今何官茅屋歌蒼苔豈無
琅玕樹鳳飛故低徊一朝脫身去歛觀雲路開
葉君善自愛往矣無嫌猜迷邦古所誚豈弟貴
不回願言吐竒胸落_二排風雷尚念窮賤者衡
門守蒿萊

晉卞將軍墓

江左失其沸強臣布中區歡娛一以乖狂獠無
越越黃屋播草野彤庭交劍及事樞始誰秉捧
首如奔狐偉此百世士死與二子俱孤衷耿未
沫足以孚豚魚義旗果東指白日開天衢孰容
撥亂功之人或其徒伊昔大雅廢清言鄙文儒
禾黍已橫委衣冠尚舒徐屹然見砥柱獨障狂
瀾趨大節固如此捐生乃其餘青簡煥遺烈蒼

長閨幽壘日夕悲吹多天高年運徂世方用
微猶將愧玄虛江濤渺在望雪涕空漣如

送友人赴盧陽教諭

播非人所居潭隄其隣荒淫雜巫鬼哀怨餘
騷臣念子有行役水陸弥數旬乃知皋比座
承文翰賓遐徼指天末男邦控城闈俎豆當
在列冠裳定來臻足明理化盛演溢周窮垠
廣陌望八方出車日麟二鸞荆孰無適忠信惟書紳
簡書有程期取別無逡巡揚鑣觸炎熱振鐸
遠人沅水春蕩涵楚山暮嶙峋行二慎其度離
別非苦辛

居庸關

連山東北趨中斷忽如鑿二萬古爭一門天險不
可薄

聖人大無外善閉非鍵鑰車行已方軌關吏徒
擊柝居民動成市廬井互聯絡幽龕白雲聚石
磴清泉落地雖臨要衝俗乃近淳朴政須記耗
源不必銘劍閣僕夫跽謂我無為久淹泊山川
豈不好但恐風雨惡

榆林

崇道傷土云是古長城却尋長城窟飲馬水不
腥斯人亦何幸生時屬休明向來邊城地今見
風塵清禾黍被行路牛羊散郊坰儒臣忝載筆
帝力猶難名

擔子窪

自從始出關數日走崖谷迨二度偏嶺險盡得
平陸坡陀皆土山高下紛起伏連天暗豐草不
復見林木行人烟際來牛羊雨中牧颯然衣裳
單只尺異寒燠佇立方有懷相逢乃問俗畏途
宜疾駟更傍灤河宿

讀三孔先生清江集

元祐儒臣布星斗後有作者非其偶二龍三鳳
殊續紛况乃淵源魯中叟適從歷編識英爽想
見世澤餘忠厚長公平生二三策大廷披腹驚
群后風泯班仲與季茅茨彩椽絕丹黝獨尋
古昔寓陽秋稍抉疵瑕列變攷却盤餘力歸賦
詠古硬清圓無不有爰初人文啓河洛下逮百
氏分戶牖空言可托匪末藝巨筆待援須好手
典刑未墜乃至今吾生已幸何云後青燈照夜
雨如綫輿論微辭煩擊剖迨摹正復慙捧心贊

胡融付鉗口從遊起死不敢期倘挹殘膏
五朽

杭州寄壽甫

尊酒何人共春光著處同乾坤容野馬歲月失
飛鴻俗眼能無白風花故自紅殷勤常歎士我
已負諸公

陪仇先生登石頭城

談笑逢諸老登臨失故亭薄遊成汗漫高步覺
吟竈江近通淮碧山遙入楚青平生一杯酒及
此尉漂零

五月廿日

不擬夫容佩終焉挂寂寥百年多事始千里一
身遥巢燕驚華屋薄鷹望碧霄蒼_二叢桂樹愁
絕小山招

含香道中

殘日亭猶遠輕風帽易斜
暄睡低沒鶴草徑曲
行虵經世知無策謀生會有涯
殷勤理黃菊留
眼待秋花

答壽甫

坐對蕭_二雨兼懷悄_二憂相逢初似夢有句若

為酬沙冷藤蕪夕天高蕙苾秋惟應千載
敢付沉浮

九日登石頭城

背郭鶯塵遠高秋川岳清幽懷初曠蕩陳跡故
縱橫遙望龍盤舊長憐蟻穴爭紆園隨處闢粉
塼向來傾葑草窺簪井看碑驗故塋門開蒼蒼
路亭愛翠微名遠樹淮南出滄江鳥外明人烟
川浩渺風物歲崢嶸吹帽仍佳節傳觴但老兵
愚生雜蛙黽浪走愧葱珩去帆檣盡簫芦
葦鳴登高未成賦覽古獨含情

金陵懷古

五雲零落渺天涯陳跡蒼茫日自斜畫角已吹
邊塞曲紅藍新長內園花可憐遺老埋黃壤曾
倚春風望翠華好在北山猿與鶴依然同住舊
烟霞

梳頭得白髮

偶逐飛雲別澗岡解纓聊爾濯滄浪襟懷久已
無山水歸賤誰今有雪霜未必丹砂真却老可
頽白首更為郎前脩未遠斯文在努力無愁嘆

長

選興

秋盡飛花一惘然
壯心回首白雲邊
十年人事空河水
二月風光已杜鵑
過眼青春寧復得
汗人黃土絕堪憐
故園尚有平生約
可使蒼苔到石田

客夜偶書

歷_二踈螢度眼明
獨撐高枕數殘更
薄遊已倦新彈劍
舊業猶餘未棄繁
一雨送晴初月色
百蟲專夜故秋聲
情知三十非年少
已覺人間有後生

金陵送人歸豫章

已覺栖遲懶曳裾
可能為我強躊躇
一帆秋色紅塵外
千里江關白鴈初
建業水清誰共飲
潯陽潮斷定無書
黃金未盡朱顏在
莫種桃花學隱居

怡山

春雲寥落鴈無聲
沙岸參差石有稜
雙屐湯窮芳草徑
一龕長愧白頭僧
晴濤閃_二翻孤日
山木昏_二捲翠藤
後夜清風滿
遙念夢遊空
指上方燈

有感

捕袖青黃照眼垂，秋風籬落自紛披。
頗聞玉食登蠻果，不獨涪州有荔枝。

送張秀才歸里

青陽河畔杜鵑啼，歸路如弦定不迷。
應到故山叢桂裏，笑人騎馬聽朝雞。

獨坐漫書

漢室需材訪隱淪，販繒屠狗各求伸。
安知風雪南山下，別有當年射鹿人。

北山紀遊

天風吹我度崢嶸，春著千巒滌_二青紫。
陌紅塵_二寧有此十年空負北山靈。

却問仙山去幾程，白雲如簇近相迎。
直須不脫登山屐，行盡松聲与水聲。

偶看飛花逐水紅，不知身過亂雲東。
回頭旋覺峰巒別，惟有青天面_二同。

坐愛春泉響翠微，玉花吹濕薜蘿衣。
何由著我冰壺洞，卧看青天白練飛。

削立城心雙白塔，幾疑日月費撐支。
一朝頓在闌干底，始悟從前見處低。



十六卷

